

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, koje zastupa ministar mr. Ismir Jusko (u daljem tekstu: Kupac) i

DIGITARIJA d.o.o. Sarajevo, ulica Zmaja od Bosne 14c, Sarajevo, koje zastupa direktor Rašid Pilav (u daljem tekstu: Prodavac)

zaključili su:

**UGOVOR O NABAVCI
KOMPJUTERSKE OPREME I POTREPŠTINA
LOT 1 – PERIFERNA OPREMA**

PREDMET UGOVORA

Član 1.

Predmet ugovora je nabavka kompjuterske opreme i potrepština, LOT 1 – periferna oprema (rack ormari-7 kom) za potrebe Ministarstva unutrašnjih poslova Kantona Sarajevo, nakon provedenog konkurentskog zahtjeva za dostavu ponuda uz primjenu e-aukcije, na osnovu Odluke o pokretanju postupka broj 01-11-4-5826 od 24.11.2020. godine i Obavještenja o nabavci broj 1364-7-1-80-3-66/20 od 27.11.2020. godine.

Ponuda Prodavca broj 0274/20 od 04.12.2020. godine i Izvještaj o toku i završetku e-aukcije od 11.12.2020. godine čine sastavni dio ovog ugovora.

CIJENA

Član 2.

Cijena za predmetnu opremu iz člana 1. ovog ugovora, iznosi 3.593,00 KM (trihiljadepetstotinadevedesetri i 00/100 KM).

U cijenu nije uključen PDV odnosno ukupna vrijednost ugovora sa uračunatim PDV-om iznosi 4.203,81 KM (četirihiljadedvjestotinetri i 81/100 KM).

Ugovorena cijena uključuje sve troškove koje Kupac može imati.

NAČIN PLAĆANJA

Član 3.

Kupac će Prodavcu platiti ugovorenu vrijednost iz člana 2. ovog ugovora u roku 15 (petnaest) dana od dana isporuke i dostavljanja računa.

ROK ISPORUKE

Član 4.

Prodavac se obavezuje da će isporuku izvršiti do 31.12.2020.godine u Sektor informatike Ministarstva unutrašnjih poslova Kantona Sarajevo.

U slučaju kašnjenja u isporuci, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od strane Kupca.

GARANTNI ROK ZA ISPORUČENE PROIZVODE

Član 5.

Ponuđač na isporučenu opremu daje garanciju od 24 (dvadeset četiri) mjeseca od dana isporuke.

ZABRANA ZAPOSŁJAVANJA

Član 6.

Ponuđač nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

ODGOVORNOST I VIŠA SILA

Član 7.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese. U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 8.

Ovaj ugovor stupa na snagu danom obostranog potpisivanja i traje do konačne realizacije.

Član 9.

Ovaj ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka od ugovornih strana.


PRODAVAC
DIGITARIJA d.o.o. Sarajevo



direktor
Rašid Pilav

Datum: 31.12.2020.
Broj: UG-3112/20-49

KUPAC
MINISTARSTVO UNUTRAŠNJIH POSLOVA
KANTONA SARAJEVO



minister
mr. Ismir Jusko

Datum: 25.12.2020
Broj: 01.11.4-5826-7